

1 TESALONAIKA

KUIMP TEPA IK KUE

Ya Buk Ei Nga Puł Ei:

Pol ndi, mon ei, mondpa pili wamp kont nga mat kən ropa ngurum. Ei wamp mbə mbun mindil orum mbila nimba ronduł mundpa, molk kai mondək, en enim nga kongun mbə rək rək etək, wote Kraist yant omba ei nga man ngurum.

Ya Buk Ei, Nam Rurum:

Ya buk ei, Pol ndi, mon rurum.

Mon Ropa Nam Ngurum:

Pol ndi, mon ei ropa, Tesalonaika kona ila Got nga rapa tenda wamp kəł kən ngurum.

Ui Nant Ila Rurum:

Pol ndi, mon ei, Korin kona ila mołpa, mon kuimp teпа rurum mbə nga mon ti ya ei. Ei Kraist metəng ei kən, mbuldung orunga pana 51 ila mon kəł rurum.

Ik Ronduł: 1 Tesalonaika 4:14

Tən wamp mbə pora, mondəp pətmən ei, Jisas kołpa, wote łoporpa omba purum. Ei mel ku, tən akup mondəp pətmən ei, Got kən mondək pilik korung wamp mbə, Jisas yant om ei kən, Got ndi, wamp mbə pəi, təpa mundangga mepa omba.

IK PENG KUE

Rump

1:1 - Pol ndi, Tesalonaika wamp mon ti, kuimp teпа ropa ngurum ei

- 1:2-1:10 - Tesalonaika wamp kꞏ nga mondpa
pili orunga ronduꞏ puꞏnga, molk kai
nondruꞏng
- 2:1-2:16 - Pol, Tesalonaika kon ila kongun itim
mel
- 2:17-2:20 - Pol, Tesalonaika wamp kꞏ, aldpa
mbo kꞏnimp nimba pitim
- 3:1-3:5 - Timoti, Tesalonaika kona ila purum
- 3:6-3:13 - Timoti nombuꞏa rung ik kai mat, mon
ropa mepa omba Pol nguꞏnga, Pol numan
ngurum
- 4:1-4:12 - Got numan ngurum uꞏ mbꞏ mel itꞏi
- 4:13-4:18 - Nuim ei, yant omba
- 5:1-5:11 - Nuim ei, yant omba ei nga tꞏk kꞏn
etꞏk muꞏi
- 5:12-5:28 - Man ik kai mat

*Pol Ndi, Tesalonaika Wamp Mon Ti Kuimp Tapa
Ropa Ngurum Ei*

¹ Mon ei, na Pol, Sailas, Timoti kꞏn, moꞏpꞏn
ropꞏn enim. Got Tipam ei kꞏn, Nuim Jisas Kraist
raꞏ nga wamp mbꞏ met Tesalonaika Got nga rapa
tenda ila mormin wamp kꞏ kꞏn rop ngonmꞏn.
Got nga wamp poꞏ ti uꞏ ei kꞏn, wote moꞏpa kundi
uꞏ ei, enim kꞏn kan piyangga!

*Tesalonaika Wamp Kꞏ Nga Mondpa Pili
Orunga Ronduꞏ Puꞏnga, Molk Kai Mondruꞏng.*

² Tꞏn rꞏk rꞏk enim wamp mbꞏ nga, Got kꞏn
angge nimbun, tꞏn nga atinga rormꞏn mbila,
enim nga pendꞏp mint rondurmꞏn. ³ Omba,
enim nga mondpa pili ei, ronduꞏ puꞏnga, numan
uꞏ kun kai mbꞏ etꞏk, Kraist numan ngormꞏn
uꞏ ei ndi, kongun ronduꞏ etꞏk, Jisas Kraist yant

omba, ei nga ronduŕ mundak, nokundak mormin uŕ ei, tən Got Tipam ei kən, kundəp nimin ei nga, enimp kuŕi nakərmən.

⁴ Angməŕ, tən pənmin ei, Got ndi, enim numan ngumba, elim nga wamp mendpəŕ kuŕ nimba mbi ropa titim. ⁵ Tən ndi, enim Rənang Ik Kai ei, nimbun ngurmən ni, ik nəmə ti mon! Ik ei nga ronduŕ ei kən, Muŕnga Wingti kən, rak ndupən ik nilmina, enim nga mundmong ila mondpa pili uŕ ei, ronduŕ purum. Tən unt enim kən pep murməŕ ei kən, tən nga puŕ orunga, enim pilik mormin ei, enim nga nəndpən itmin ni ka!

⁶ Enim tən nga uŕ itmin mbə kən, wote Nuim ei nga uŕ etəm mbə pep rormin. Uŕ ei ndi ku, enim mindil mam mbə nok, Muŕnga Wingti nga numan kai pili uŕ ei ndi, kongun ronduŕ mundak etək ik ei pilik numan ngorung. ⁷ I etəng uŕ kai mbə, ya Masaroniya kən, Gris kona raŕ ila, mondpa pili wamp mormin mbə, waka nduk etəng. ⁸ Wote, Got nga ik ei, enim kən tepa, Masaroniya kən Gris kona raŕ ila mendpəŕ pi nəpəŕəm, mon! Enim Got kən mondak pətmin uŕ ei, kona mbila pora, kui ndip mel nomba puŕnga, wamp ndi, pilik kapŕa endətəng. Ei kən, akup tən ndi, aldpa Tesalonaika mondpa pili wamp kuŕ kən, aldpa ik ti nimin mel mon. ⁹ Wamp mbə ndi ku, enim Tesalonaika wamp kuŕ nga ik mat nətəng ei, tən enim kən ormən ei kən, tən rawe etək uŕ kai mat etəng. Wote, enim nga kur atinga rormin uŕ mbə, wak rok, Got wu kupa ei nək pilik, kongun kindmant endətəng. ¹⁰ Wote, elim nga Kangəm wi muŕ kona ila moŕpa, yant omba ei nga nokundurmin ei, elim nga kangəm Jisas, ya

wamp kuli uł ıla, łoporpa tupa kont mundrum. Uł ei ndi, tən etpa tətəm. Wote, Got nga popuł akil tepa ekit omba ıla, tən etpa tamba.

2

Pol, Tesalonaika Kona Ila Kongun Itim Mel

¹ Angmən, en enim pilik mormin ei, tən enim kən tungunda ombun kongun itmən uł ei omba, wei ai iti nətətəm. ² Enim pətəng ni, unt Tesalonaika urmən ei kən, met Pilipai kona ıla, tən tambał ndi rok, tən etək pipil kundək etəng! Uł mbun mbu tərən, pilip kelpən int ngumbun, Got nga ronduł ıla mołrən, Got elim nga Rənang Ik Kai ei, enim kən kundəp nitmin. ³ Enim ik nimbun ngurmən mbu, tən wəlu mbun, ik nimba ława mundi na, uł łar mul na mbu ndi, wamp ti tərən, kumngi rundmən pilpən iti nətətəm. ⁴ Mon, tən rək rək Rənang Ik Kai nətəmən ei, nambuł emel, Got elim ndi, nui nilinga nətəmən. Tən ndi, mura mondprən wamp mbu, kundəp nimin ei, pilpa mbi ndupa ngurum. Tən wamp mbu, etəp numan kai pindmin pilpən iti nətətəmən, Got elim etəp, numan kai pindmin nimbun etmən. Got elim ndi, tən nga numan orunga, kandpa mbi ndułnga, etmin.

⁵ Ei nga, enim pilik mbi nduk mormin ei, tən ik nəwə mat ni nəndətəmən. Wote, enim kunt ropən, enim nga mel mat timin pilpən, ik ək tərən ni nəndətəmən mon! Ei kən, Got pilpa morum! ⁶⁻⁷ Uł i itmən mbu, enim ndi kep, wote wamp mat ndi kep, tən kaip nindeing nimbun uł ti iti nətətəmən. Tən kupa, Jisas nga nombuła rung wu mendpruł kuł, enim kən mel mat tən

ngeing nilmina ei, wote ni nændutmun. Wote enim kæn, ek ndup nimbun murmun ei, amp ti, elim nga kangambuŕa nana mbu, ruŕ etum ni mel itmin. ⁸ Wote tæn ndi, enim numan minal ngumbun, Got nga Rænang Ik Kai ei, enim kundur nitmin. Wote, ei mint mon, tæn kutmun ndam, kapŕa ku næmp pitmin. Ei nambuŕ emel, enim numan minal ngurmun ei nga. ⁹ Angmun, enim pilik mormin ei, tæn kongun kindmant rumbuldi rænggilmu raŕ, muŕ ti naturun itmin! I itmin uŕ mbu ndi, enim wamp mbu mel mat, ngeing nimbun, Got nga Rænang Ik Kai ei nimbun, ngui ngænggarmun mon.

¹⁰ Enim tæn kandrung ni mel pilik mormin, wote Got pilpa ku morum. Enim mondpa pili wamp mbu kæn, namba uŕ mat itmin ei, uŕ kun kupa mbu itmin, wote uŕ ŕawa mat iti nætutmun. ¹¹ Enim pilik mormin ei, wu tipam ti ndi, elim nga kangambuŕa mbu nokundpa kai etum ni mel, tæn ndi, enim wamp mbu, tenda tenda nimbun i ku itmin. ¹² Tæn ndi, enim etur rondur mundurun, ruŕ kai eturun, enim kæng numan raŕ ndi, Got nga numan ngumba uŕ mat etangina, Got enim elim nga tupa mumuk rui uŕ, wote uŕ eng nui mbu, oi ropa ngumba pilpa, wi ropa morum ei ngangga, nimbun rondur mundur nætmin.

¹³ Wote, tæn Got kæn ange ruŕ ruŕ nimbun mint mormun. Ei nambuŕ emel, enim tæn ndi, Got nga ik nimbun ngurmun ni, wamp mbu nga ik ti mon næk, pilik mbi nduk, numan kai penduk rukur taturang. Ik ei, enim int mondpa pili wamp kuŕ kæn, ruk ila kongun enim. ¹⁴ Wote angmun, enim mindil taturang mbu, met Juriya kona ila,

Nuim Jisas Kraist mondok p̄t̄ung rapa tenda ila wamp mb̄, mindil t̄t̄ung ei mel ku, en enim nga kona tenda ila wu kit mat ndi, enim mindil kit mb̄ ngurung ei mel ku, Juriya wamp mb̄ i ku etung. ¹⁵ Wote, wu kit mb̄ ndi ku, unt painui wu mb̄ rok kondrung, wote Jisas Juriya kona ila rorong, wote t̄n wu k̄t̄ rok, mindil kit mb̄ ngok, t̄n rok makr̄k etung. Wu kit mb̄, Got k̄n kep, wamp nga kep, ik kum ti nat̄t̄min. ¹⁶ Wu mb̄ ndi ku, mbo wamp r̄t̄aip mb̄ k̄n, Got nga wamp etpa ti ū ei, ik mbo indimin n̄amp itmin nombūta mb̄ mi rorong. Ū i etung mb̄ ndi, en enim nga ū kit mb̄, omba kakina elinga, Got nga pop̄t̄ ei, wu kit mb̄ k̄n omba murum.

Pol Tesalonaika Wamp K̄t̄ Aldpa Mbo K̄nimp Nimba Pitim.

¹⁷ Angm̄n, t̄n wamp kit mat ndi, t̄n t̄k elpa elpa mundrung ui ni k̄n, t̄n kangambūta etpa ni mel murm̄n. T̄n enim nga kuimp keta k̄ni nak̄nm̄n. Ei wote, t̄n nga numan ei, enim k̄n r̄k r̄k pilip mint mormin. Ei k̄n, enim aldpa k̄namin ka nimbun mindil nombun morm̄n. ¹⁸ T̄n enim k̄n, int uimin nimbun p̄tm̄n. Ei wote, ui minal ei k̄n, na Pol enim k̄n uimp n̄amp et ei, wote Seitan ei ndi, t̄n imp morum. ¹⁹ Wote, Jisas Kraist yant om ei k̄n, elim nga kuimp keta ila, t̄n mundmong kai pendr̄n, numan kai pendr̄n, itimin ei, nambūt emel pindmin? Ei k̄n, enim wamp k̄t̄ k̄n, numan mam ti etmba. Ei nga, nokundr̄n pilip mormin. ²⁰ T̄n mbi kai t̄r̄n, numan kai pilr̄n

itmin ei nga muł ei, enim Tesalonaika wamp kuł mendpuł.

3

Timoti Tesalonaika Kona Ila Purum

¹⁻³ Ei kən, enim uł kit mbila, mana ping nimbun kel rondpən, pilip mint mormin uł ei, imp mułmin mel kapłta natilinga, numan ei mel pilip mint mołmina, mundmong ei, mi elinga, ya Atins kona ila mułambil etpuł, tuł nga ɛngən Timoti, Got nga kongun endpa, Kraist nga ik puł nimba ngumba etəm ei, enim kən tɛp mundɛmbuł. Kang wu ei ndi, enim tɛpa rapundpa, enim nga mondpa pili orunga, etpa ronduł mundɛmba. I em ei kən, enim uł mbun mindil onum mbila ok, mana pi nɛpeing. Enim pilik mormin ei, uł mbun mindil iti mbɛ, Got elim ndi, tən wamp pora kandɛp tɛmin nimba pɛtəm mel, tɛtmɛn. ⁴ Tən enim kən, rɛp ropən murmɛn ei kən, tən mondpa pili wamp mbɛ pora, uł mbun mindil iti mat, wote kandɛp timin nitmin ni mel ku, akup uł mbun mindil iti mbɛ kandɛp tɛnmɛn. ⁵ Ei nga pilip kən, akup na ndi, Timoti tɛp mundɛr. Na enim nga mondpa pili orunga etɛk mormin mel nant nda nɛmp, Timoti tɛp mundɛr. Ei nambuł emel, enim Seitan ndi, enim ołta tɛpa, kandpa em ndam, tən nga unt, enim kən kongun etɛp itmin uł nimbu, wei nɛwu itmɛn mel pɛmba.

Timoti Nombuła Rung Ik Kai Mat Mon Ropa Mɛpa Omba, Pol Ngułnga, Pol Numan Ngurum

⁶ Wote, akup Timoti, tuł kən yant omba, Rɛnang Ik Kai mat, enim nga mondpa pili orunga,

wamp numan ngui uʔ ei nga etmin ei mel, tʔl kundpa nʔm. Wote enim ndi, tʔl kʔn numan kai pendʔk, aldpa kʔnamin, ka nʔk etʔng mbʔ mel, tʔl enim kʔn i ku nʔmp pʔtʔmbʔʔ. ⁷⁻⁸ Ei angmʔn, tʔl nga mindil nui uʔ mbʔ tʔtʔmbʔʔ ei kʔn, enim nga uʔ kai etmin timan ei pilimbuʔa, tʔl ronduʔ minal ngorum. Enim nga mondpa pili uʔ ei ndi, tʔl etpa ronduʔ mundrum, ei mel, enim Nuim ei kʔn ronduʔ puk moʔʔng ndam, tʔl wamp kupa mel pep muʔʔmbil. ⁹ Akup tʔn, Got nga kuimp keta ila, enim kʔn numan mam ti elinga, Got kʔn angge nʔnmʔn. ¹⁰ Rumbuldi rʔnggilmʔ mbila rʔk rʔk, Got kʔn atinga ronduʔ mondʔp ropʔn, tʔn kopʔt wak rʔngga, enim kʔn ombun moʔʔpʔn, ik rʔngʔndpʔn enim nga mondpa pili ei, ronduʔ pi napʔm ndam, etʔp ronduʔ mundamin nʔmp ninmin. ¹¹ Tʔn numan pʔnmʔn ei, Got Tipam elim kʔn, Nuim Jisas kʔn nombuʔa mam ti, enim kʔn uimin ei nga tʔpa tiyangga! ¹² Tʔn nga wamp numan ngui uʔ ei, enim kanmʔn ei mel, enim nga orunga, Nuim ei ndi, i ku etangga! Wote, enim kʔn tepa mba, wamp muʔʔkʔmp kona mormin mbila, mba tepa kapʔa etangga. ¹³ Uʔ ei etʔk itangina, Nuim ei ndi, enim nga mundmong orunga, etpa ronduʔ mundangga, Nuim Jisas elim nga wamp wingti mbʔ kʔn, tʔnggʔt yant om ei kʔn, enim Got Tipam ei nga kuimp keta ila wamp wingti raʔp muʔʔmin.

4

Got Numan Ngurum Uʔ Mbʔ Mel Itʔi!

¹ Akup angmæn, Got nga numan ila, tæn wamp mołep kai mundmæn nimba pætæm uł mbæ, elim kandæk tæk pora nduræng. Ei ama kupa, enim nga ik næk, nombuła andæk, kongun etæk etmin uł mbila kandep nænmmæn. Ei nga, enim kæn ronduł mundpæn, waldep nænmmæn ei, Nuim Jisas nga mbi ila, uł kai etmin mbæ, ronduł mondæk itæi! ² Tæn Nuim Jisas nga ronduł ila mołpæn, enim man ngurmæn ik nimbæ, pilik mbi nduk mormin. ³ Enim Got ndi, iteing nimba pætæm uł mbæ. Enim wamp mbæ mop map etæk, wapra ræi uł mbæ ok tæk, wamp wingti ralk mułæi! ⁴ Enim wu mbæ pora, amp tæk, ambænæmæl kæn rap rok iting uł ei, uł wingti kun mbila mint itæi! ⁵⁻⁶ Wote, mbo wamp mel ralk, Got mondæk pili napilik, wu amp kandpa kum pindi uł ei nga, puł pendæk etmin ei mel, enim iti nætæi! Ya ik nænmmæn mbæ, wu ængæn ti ndi, ti tæpa roi ndupa, wu ængæn ti nga amp ei kæn, ława iti nætangga mon! Tæn ndi, enim ik mbæ nga unt ronduł mundpæn, man ngurmæn ei, uł mbæ nga eng ndam, Nuim ei ndi, enim mbun ngumba. ⁷ Got ndi, tæn wamp mbæ pora, tæp wingti rundimp nimba, wi ropa titim. Tæn uł kit mbæ nga, itæmin nimba, wi ropa ti nætætæm. ⁸ Ei kæn, wamp ti ndi, ya ik mbo rondunmmæn kæt, tæpa mbuł ngum ndam, ei wamp ti tæpa, mbuł ngui nganggæram mon! Got Mułnga Wingti ngurum wu ei, tæpa mbuł ngorum. ⁹ Akup wamp ængænæl numan nguing uł ei nga, mon ropæn ik ti, nimbun ngui nangænmmæn. Ei, nambuł emel, uł ei nga Got ndi, enim nga numan ila kor mbo endpa pora ndurum. ¹⁰ Ei kæn, pilik mbi nduk, met Masaroniya kona ila

wamp mormin mbu pui numan ngurmən. I etək etmin uł ei nga, tən ndi, enim paka rondpən, pilik kelik itui nənəmən. ¹¹ Tən ndi, enim unt kundəp nitmin ni mel, enim nga numan orunga, ronduł pangga, raka nək molk, wamp mat nga eng uł mbila, paka rundi nandkən, enim nga ki rał ndi, kongun etək rəng nui! ¹² I etək eng uł ei ndi, wamp mat etək ora ndung mbu ndi, enim tək ou nduk itangina, wote enim mel ti, kurpa nui nanəmba.

Nuim Ei Yant Omba

¹³ Angmən, enim mbo wamp ralk. Wamp unt korung nimbə, łopruk ołə mułi nəmbəteing nək, kit pili nəpələi! Ik kupa ei, pilik teing nimbun, enim kundəp nənəmən. ¹⁴ Tən wamp mbu pora, mondəp pətəmən ei, Jisas kołpa, wote łoporpa omba purum. Ei mel ku, tən akup mondəp pətəmən ei, Got kən mondək pilik korung wamp mbu, Jisas yant om ei kən, Got ndi, wamp mbu pui tupa mundangga, mepa omba.

¹⁵ Tən ndi, ya Nuim ei nga ik mbo rondmən kuł, Nuim elim ndi, mbo inditim ei mel, Nuim ei yant om i ei kən, tən kont mułmin wamp mbu, ombun akil tiyamina, unt korung wamp mbu, ok kuimp ting. ¹⁶⁻¹⁷ Ei kən, Got nga wi ronduł ti, ekit wangga, anggelo kuimbal morum ei ndi, wi rangga, wote Got nga pikul ik ei, ekit wangga, nuim ei, muł kona wak ropa mana omba. Ui ei kən, Kraist mondək pilik korung wamp mbu, kuimp tepa łoporpa ołə mondəmba. Wote, tən kont mułmən wamp mbu, akil tepa, Nuim ei ndi, kopa pol ila ołə tangga, Nuim ei, ołə waka ila kandəp tərən, wote ila nga Nuim ei kən, uł nga

kant nga mułmin. ¹⁸ Ei nga, ik kət, pilik tin wamp ei ndi, wamp ti nekən, kai etkən ngui!

5

Nuim Ei Yant Omba Ei nga Tək Kun Etək Mułui!

¹ Angmən, uł mbə, rumbəł, muna ant mong, nant ila ekit omba ei? Tən ndi, enim wang ndupən mon ti, ropən ngui ngəngmin. ² Ei kən, en enim pilik pora ndurmin ni, Nuim ei nga omba, ant mong ei, kindəp wamp na ti, rumbuldi orum ni mel omba. ³ Wamp mbə ndi, nek mel, “Tən akup mołəp, kai mondunmən, rui nəring,” nek mułangina. Amp kangambułta ming pilik, kangambułta mbuł rorum ei mel, uł min ngən pi mbə, ekit om ei kən, mo rok ping mel, kapłta mon! ⁴ Wote, enim angmən kət, rumbəł ila mułi nambər mən ei nga, min ngən pimbə ekit omba ui ei, kindəp wamp na ni mel, enim təpa təndpa ui nəwangga mon! ⁵ Enim rəłang ila mormin wamp mbə, enim kona ant ei nga wamp mbə mormin. Tən kona rumbəł ei nga wamp kat mon! ⁶ Ei kən, tən wamp mat etmin ei mel, ur pi napəpən, mong rał makilpən, numan kundil nangga mułmən. ⁷ Kona rumbəł rorum ei kən, wamp ur petmin. Wote, rumbəł ila ku, nu kit nok, kekilip rok etmin. ⁸ Wote, tən wamp ei, rəłang ila mormin, ei nga tən nga numan ei piral nangga, mułmən. Wote tən nga mondpa pili uł ei kən, wamp numan ngui uł rał təpən, kumba ripa mel rapəpən, wote tən, Got ndi, yant omba etpa təmba uł ei, ronduł mundpən pilmin ei təpən, peng wəna kapa mel pakpən mułmin. ⁹ Got ndi,

elim nga popuŋ ent tən nangga nimba, mbi ropa ti nətutəm, mon! Tən, Got nga wamp etpa ti uŋ ei, Nuim Jisas Kraist kən kandəp təmin nimba, tən mbi ropa titim. ¹⁰ Wu ei, tən nga nindpa kurum uŋ puŋ ei, tən wamp kont mormən mbə kep, wamp kui mbə kep, elim tənggət yant om ei kən, rak ndupən muŋmin nimba itim. ¹¹ Ei nga, akup etək mormin uŋ mbə mel, wamp ti ndi, ti etək, ronduŋ mundək, tək rapəndək itəi!

Man Ik Kai Mat

¹² Angməŋ, tən ndi, enim ik ti waldəp nənəmən ei, enim wamp mormin ruk ting ila, wamp mat kongun ronduŋ mundək enmin mbə, tək ou ndəi. Wamp mbə, Nuim ei ndi, mbi ropa təpa, enim kən ronduŋ mondək, ik mbo indeing nimba, təpa mundrum. ¹³ Wamp mbə, enim nga nək, kongun etmin ei nga tək ou nduk, numan nguk itəi! Wamp mbə kən pora, min kan uŋ mbə etək muŋəi! ¹⁴ Angməŋ, tən ndi, enim kən ik ronduŋ mundəp nənəmən ei, enim ndi, enimp mondung wamp mbə, nək kun mundək, mundmong eng wamp mbə, etək ronduŋ mundək, wening em wamp mbə, tək rapəndək, wamp mbə kən pora, raka nək muŋəi! ¹⁵ Wamp ti ndi, ti etpa kit mondum ndam, ŋang etək ti nətəi! Rək rək ronduŋ mundək, wamp mbə kən pora, uŋ kai mbə mint itəi!

¹⁶⁻¹⁸ Rək rək numan kai piyangga molk, atinga rək rək rok, uŋ kit kai raŋ elpa elpa om mbila, Got kən angge nək təi! Got ndi, Jisas Kraist nga mbi ila, uŋ mbə mel iteing nimba pətəm. ¹⁹⁻²⁰ Muŋga Wingti nga ndip ei, rok kuməndi nəməndəi! Got

nga ik mong ronduŕ mbu, pai nok nuk ngung ndam, tuk mbuŕ ngui ngungui! ²¹ Uŕ kuŕ pora kandkun, pilkun mbi ndukun, wote uŕ kai mbu, ambulk gi ndui! ²² Wote, uŕ kit mbila, runga etuk muŕui!

²³ Got ndi, tun moŕup kundmin nimba uŕ kai mbu, mok ropa ngorum. Wu ei ndi, enim nga min kung raf kun, muŕnga ei kun, etpa wingti rundangga! Jisas Kraist yant om ei kun, enim kun nit ti, muŕi nambuŕangga! ²⁴ Enim wi ropa titim wu ei ndi, uŕ mbu mel endumba. Ei nambuŕ emel, wu ei wu kun kai ei.

²⁵ Angmun, tun nga nunduk atinga rundui!
²⁶ Got nga manga rapa tenda wamp mbu kun, numan kai penduk ki tui! ²⁷ Na Nuim ei nga mbi ila, ik ronduŕ mundap nent ei, wamp mbu pora, kump rok ngui! ²⁸ Nuim Jisas Kraist nga wamp poŕ ti uŕ ei, enim kun kan piyanga!

Got Nga Nambuha Ik Kai
The New Testament in the Melpa Language of Papua
New Guinea

Nupela Testamen long tokples Melpa long Niugini

Copyright © 1995 The Bible Society of Papua New Guinea

Language: Melpa

Translation by: Wycliffe Bible Translators

Earlier edition was © 1965 British and Foreign Bible Society

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-18

PDF generated using Haiola and XeLaTeX on 11 Nov 2022 from source files dated 9 Oct 2020

7aee00d3-bf61-5aa2-84a1-8318bf7d51e2